

Oposicion a pidi reunion publico cu minister Lampe tocante independisacion di DPS



ORANJESTAD – Ayera parlamentario Marlon Sneek den nomber di fraccion AVP, a entrega un peticion pa un reunion publico cu minister di enseñansa, Rudy Lampe.

Nan a tuma nota cu e mandatario ta sigui cu su plan pa independisacion di Departamento di Scol Publico (DPS). Esaki contra un mocion cu a haya e sosten di mayoria den parlamento pa e mandatario no sigui cu su intencion. Sinembargo, e mandatario a bin cu Stichting Avondonderwijs Aruba (SAA), cu ta bay atende cu middag- y avond Mavo.

El a splica cu pa yama un reunion publico, nan mester minimo tres firma. Mientras cu fraccion di 9 parlamentario a firma. Pues suficiente pa bin cu un reunion publico. Aunke nan ta den reces, parlamentario Sneek ta haya cu e decision final pa bin cu e reunion aki, ta keda den man di presidente di parlamento su prerogativo.

Mocion 33
Parlamentario Sneek a bisa cu loke e mandatario ta haciendo, ta parti su deseo pa independisacion di enseñansa, pero na 'mochi' pa niun hende ripara 'cu ta comiendo e pisca'. Un biala mas e parlamentario a referi na e mocion 33. Den e mocion aki cu a haya 18 voto, mayoria di parlamento a expresa nan deseo cu nan no kier pa independisa DPS, y niun otro sub departamento di enseñansa.

E mandatario a yega di expresa na prensa, cu SAA no tin nada di haber cu e proceso di independisacion di DPS. Pero pa parlamentario Sneek,

esaki ta un wega politico cu e minister ta hungando. E ta haya cu e minister di enseñansa ta haci como cu DPS ta atende cu scol publico den dia so, pues scol basico y Mavo, mientras cu middag- y avond Mavo no ta cay bou DPS. E parlamentario ta haya cu esaki no ta corecto, ya cu middag- y avond Mavo, tambe ta DPS.

Loke e parlamento a bisa den e mocion -segun sr. Sneek- ta pa no haci, pero toch e minister ta bin haciendo. P'esey e parlamentario ta kere cu ta na su luga pa yama e minister di enseñansa pa duna cuenta di e acto aki, ya cu e no a cumpli cu e mocion cu a wordo pasa. E ta haya cu te ainda e mandatario no a convence, pa kico e kier bin cu su pensamiento pa independisacion di DPS.

Segun sr. Sneek, e unico cos cu e por sinti cerca dje ta, cu e ta bay crea 'un monopolio' pa su mes. Ya cu e kier independisa DPS y hink'e den un stichting, unda e ta dicidi ken ta bay aden. E hendenan aki mester tin e mesun filosofia di dje, segun e parlamentario. Na fin di cuenta, e ta haya cu e mandatario kier crea algo pa e 'mes luci', y asina e mes tin un stichting pa e manda. "Por ta cu mañan ora e no ta minister mas, hasta nan lo por dun'e un trabou eyden."

E ta haya cu e minister tin cu cumpli cu e mocion. Si e no ta haci'e, esaki kiernen cu e no ta duna respet na e organo cu ta controla gobierno cu ta parlamento. Den e caso aki ta keda na parlamento pa dicidi, si ta laga e mandatario aki den su funcion. Den e caso aki, fraccion di AVP tin 9 asiento, y mester un mayoria di 11 asiento pa tuma cualkier

decision. Pero nan puntanan lo wordo vocifera pa asina mayoria dicidi cual lo ta e siguiente paso cu e minister Lampe.

Presidente di parlamento

Na momento cu parlamento Sneek tabata dunando su declaracion dilanti parlamento, casualmente presidente di e instituto aki, Ady Thijssen a yega, y tambe a papia cu prensa. El a bisa cu lo consulta cu e fraccion di AVP mes pa trata nan solicitud pa e reunion publico aki.

El a splica cu tin diferente forma pa atende e asunto aki cu un minister. No solamente e mester ta un reunion publico, pero tambe den un reunion den e comision parlamentario encarga cu enseñansa.

Presidente di parlamento a expresa cu tur parlamentario di e diferente fraccion den parlamento, si nan ta sinti cu cierto cuestion no ta bay bon, nan tin e derecho pa haci nan pregunta. Tambe nan por

manda un carta urgente pa pidi un reunion. "Tur esey ta posibel", el a bisa.

Ademas el a laga sa cu ora parlamento ta manda un mocion, esaki no ta solamente un deseo, sino cu ta urgi gobierno pa atende cu algo. Na Hulanda pa ehempel, un mocion no ta un deseo, pero e ta un 'opdracht'.

E ta haya cu mester ta algo normal pa parlamento pa yama ministernan aden, pa bisa kico ta pasando den nan maneho. Si nos ta biba den un democracia sano, no mester existi preocupacion pa yama un reunion. Te hasta e minister mester ta bon prepara, ya cu semper nan tin nan conseheronan pa duna informacion di nan banda.

matie m. 33
Fractie AVP
OV # 14, dd. 20 april 2018
OLV # 883
Begroting Rand 2018

STATEN VAN ARUBA
Ingek. 20 APR 2018
Volgnr.: IS/706/17-18

MOCION

Parlamento di Aruba den reunion publico awe diabierna 20 di april 2018.

Considerando cu:

- E minister di enseñansa a anuncia e intencion pa independisa scolnan publico na Aruba. Den e plan di minister esaki loifica cu e scolnan publico lo cay bou di un fundacion nobo y no mas bou di responsabilidad directo di gobierno e.g. minister di enseñansa.
- E cambio proponi door di scolnan, pa e maneho y finansiamiento di scolnan publico. E consecuencianan ucativo y personal di sosten di scolnan, pa e maneho y finansiamiento di scolnan publico. E intrankilidad y inseguridad grandi bou personal educativo y di sosten den scolnan publico. E intrankilidad y inseguridad aki no a wordo kita door di aplicacion di e minister y su conscheronan.
- Enseñansa na Aruba tin mester di mas atencion pa mehoracion continuo di calidad di nos enseñansa y no di cambianan incesario cu ta crea intrankilidad y inseguridad bou maestronan y personal di sosten den scolnan.
- Personal di scolnan publico y sindicacionan cu ta representa e personal aki, a expresa nan rechazo rotundo pa e plan di independisacion di scolnan publico den reunionnan cu e minister, den reunionnan cu miembronan di plan di independisacion di scolnan publico (radio y corant) y riba media social. Tambe miembronan di parlamento di diferente fraccion a expresa publicamente nan desaprobacion di e intencionnan di independisacion di scolnan publico. Esaki ta mifca cu no tin suficiente sosten pa e intencionnan di minister ni den enseñansa, ni den parlamento.

Ta dicidi:

- Pa urgi e minister di enseñansa pa **cancela den forma definitivo** e plan pa independisa scolnan publico y pa informa scolnan publico y personal di scolnan publico di e decision pa cancela den forma definitivo e plan di independisacion di scolnan publico. E cancelacion definitivo di e plan aki, cu ta inclui e plan pa independisa Colegio EPI.

Y ta pasa pa orden di dia.

Copia di e mocion aki ta wordo manda pa e siguiente persona y/of instancianan:

- Gobierno di Aruba
- DSP y tur scolnan publico
- Sindicacionan SEPPA y SIMAR
- Departamento di Enseñansa
- Prensa